

貴州第十一

黔僻處萬山中風氣阻絕武昌兵起黔父老及官吏方

以地無革黨相慶幸巡撫沈瑜慶復檄省垣新軍出防

外屬備不虞謂可無事矣

貴州革命初起情形與湘畧同但湘有一譚延闓以爲收

束而黔無之致借才異地前路層層鋪敘皆爲唐繼堯作勢

然黔會黨頗多有自治

社有憲羣社有光復公會自治社以張百麟爲首憲羣

社以任可澄爲首而黃澤霖則光復公會正龍頭也光

復公會卽哥老會尤秘密自治憲羣兩社素不相能鄂

事起黔紳蔡衛武爲和解之設全黔自保會謀響應湖

北而以光復公會爲其機關部招集會匪三千餘人匿

述附郭間澤霖復密說新軍教練官楊蓋誠隊官趙德全及學堂學生爲變九月丁丑自保會遣會員郭子華謁巡撫請爲會長宣布獨立時陸軍巡防營及撫署衛隊皆貳瑜慶懼允之戊寅黎明陸軍學生及新軍巡防營數百人哥老會匪數千人同時入城分定藩庫火藥局各官署宣布獨立改諮議局爲軍政府舉楊蓋誠爲都督趙德全爲副都督巡撫沈瑜慶布政使王乃徵等均散走當事之將起黨人劉琪溫瑞庭等與哥老會約塗白粉左目下爲識禁剽掠陸軍復監視之故哥老會雖衆未爲亂而自治社首張百麟以非軍人不得爲都

督恨甚

振衣干
仞崗

遂與任可澄謀創設樞密院自爲院長

可澄副之復與黃澤霖相結募會匪萬餘人入城給械

盡編爲軍明開山堂

自注山堂者哥
老會之會所

甲士踵錯於途片

語且吾輒拔刃相仇殺莫敢問楊蓋誠本庸懦又衆新
附望不屬由是實權盡歸樞密院黃澤霖既擁有多兵
遂自稱巡防大總統凡提鎮將領皆有權任免欲奪都
督者屢矣蓋誠懼甚揚言援鄂率兵入湘副都督趙德
全攝行都督事益畏澤霖遂附其黨自是都督府亦明
開山堂迎元帥印鳴炮二十一響王榜張甬壁長數丈
德全以都督輸千三百金僅得承堂職其階級去正副

龍頭尙遠也。援川議起衆推澤霖。澤霖要軍餉二十萬。財政部爲所脅。如索與之。澤霖仍不行。耆老會詰之。乃遣行兩營。一取道遵義。一取道大定。所至殘破。當是時。黔公口。自注公口者哥老會之別名有百餘處。甚盛。益興川滇會匪。聞風踵至。黔大局岌岌不保。駐黔陸軍第四標統帶劉顯世。團防營統領胡錦堂。獨不附澤霖。嚴整軍紀。省垣治安。賴以保持。澤霖既不援川。而多金。其同黨屢謀劫之。澤霖乃卽貴山書院山上築高樓。環營房。自衛。復時縱反間。離軍搆。豐流布訛言。駭動愚衆。所部無不疑貳。吳子清者。東路巡防先鋒隊什長。與澤霖僕夫不睦。讒

之澤霖不察欲殺子清時諫者甚衆分統李香池語尤切均不聽至夜竟斬之先鋒隊大譁澤霖怒復黜退李香池等十餘人衆益懼十二月戊申先鋒隊僞縛二人羣持槍送入總統府云某某挾械潛逃今緝獲請懲之澤霖方出室遽爲衆所殺初張百麟與澤霖相倚爲暴知不容於衆託名安撫出巡西路安興等府沿途文武官吏任意罷免敲詐欺奪得貲鉅萬及歸復強索金萬兩黔民尤恨之衆旣殺澤霖卽圍百麟私第百麟易服雜衆中出匿都督府衆大索終日不獲夜復圍都督府迫趙德全出百麟德全力白其誣衆不信入搜之果不

獲百麟竟免焉省垣匪勢畧衰矣方張黃爲亂時黔紳

周沆戴戡唐爾錕等哭訴於滇都督蔡鍔鍔遣參謀次

長唐繼堯率兵援黔推出唐繼堯黔有主筆亦有主元年二月癸酉繼

堯至貴州耆老會代表出城歡迎並瀝陳都督趙德全

罪惡三十餘條迫令辭職繼堯亦與德全書謂衆怒難

犯願擔保身家自行辭職德全不答陰與同黨民政部

長藍鑫統帶葉占標等謀焚劫省垣大掠颺去三月丙

子朔繼堯會黔陸軍第四標統帶劉顯世團防統領胡

錦堂兩師入城以次擊定都督府火藥局司令部等處

趙德全藍鑫葉占標潛遁次日復擊定城外南塲黔靈

山頭橋等要隘餘匪省垣大定。耆老會遂公舉繼堯爲都督。初滇兵將至黔。管帶陳開釗先率衆由貴定擄掠而東。至鎮遠防軍兩營和之。遂進陷銅仁。憑城固守。時陸軍管帶陳鍾岳方在籍養病。招集鄉團與司令官劉德坤東路巡按使何麟書合力攻之。戰十餘日。復銅仁。開釗遂東竄入湘黔。大局畧定。初楊盡誠率師援鄂。至常德黎元洪以共和將次告成。止之。盡誠畏張黃不敢歸。及澤霖誅死。百麟逃。滇軍復入唐繼堯爲都督。盡誠益不得歸。乃赴滬。請孫文加給委任狀。謀返黔。黔紳戴戡劉顯世任可澄等聞之大懼。乃通電數盡誠罪。曰。有

多事實見於兩電中藉以補叙亦史記常法

黔省自遭張百麟黃澤霖趙德

全等哥匪之亂糜爛已極紳民潛遣代表赴滇乞援業蒙俯允代平禍亂大局敕平黔人感激有同再造方謂此後長保安甯詎閱前都督楊藎誠自武昌來電謂已得孫大總統資助餉械並加給委任狀促令歸黔云云闔省震悚如聞迅雷查楊藎誠本無功績又鮮材能反正後忝任都督毫無表見張黃提攜濫招匪類爲害地方藎誠不能制止反見好喉令橫索餉銀虛糜鉅款以都督之尊至令黃澤霖面加唾辱順受不辭乃藉名援鄂索餉銀六七萬甫出省一日卽被擄騰笑四方所統

兵在鎮遠銅仁勒索餉項行同搶劫尤異者蓋誠出巡
大開山堂所用旗幟均書某漢公字以至民間只知有
龍元不知有都督及其赴湘留兵站在銅仁兵官陽隋
武勒索苗人幾釀大變復招集鎮遠棠屏兵隊屯駐銅
仁姦淫擄掠慘不忍聞其部下標統蕭洪斌在常德淫
擄業經正法又所部隊官陳勉齋携械率衆回黔肆擾
龍里貴定被害者數萬家且蓋誠出省數月無一字回
黔趙張秉權時卽由立法院議決取銷其職以趙德全
爲正都督黔人當時無或異議者固懾於張趙之威亦
以蓋誠罪有應得無足念也夫當時危勢迫則擁衆遠

行置地方人民於不顧及事已平定則覲顏歸來坐享高位人縱不言亦何面目復入黔境乎現經各界公同議決如盡誠不知自責妄生希冀吾黔人全體誓以武力相見縱犧牲生命有所不辭盡誠既見擯黔紳不敢歸久稽滯常德間湘人患之副總統黎元洪湘都督譚延闓迭奉袁大總統命遣員調解而黔人謂楊軍爲匪卒不許其歸且請政府速解散之四月政府遂任命唐繼堯署貴州都督五月駐常德軍官蔡爾駿席正銘徐焜等通電自白云自滇兵詐入黔守者既遭殺逐行者復被遣散黔無一可用之兵徒以二三人欲固其位

藉滇兵勢力。賸黔民脂膏。爲滇人奴隸。尤可駭者。鎮遠
酬仔一帶。滇兵雲集。凡歸自湘。涉軍界。殺無捨。復抄滅
駐常軍人家屬。人孰無情。回首家山。椎心泣血。吾儕武
夫。讀書粗知大義。再四籌思。若久駐常。餉糈誰濟。若接
管回黔。始必勒繳槍械。繼必橫肆慘殺。前車之覆。後車
之鑒。是久留湘死。歸黔亦死。等死束手死。不如血戰死。
現公議決。整隊回黔。誓以數千健兒。頸血飽滇軍鋒刃。
齎粉所不辭矣。然我軍之出也。楊都督率以出。今日我
軍必奉楊都督以入。羣以死爭。斷不容楊都督棄我軍
於不顧。若據有我黔土地。慘殺我黔同胞。擄掠我黔金

銀如唐繼堯輩必剪除乃止。行將擊楫中流，誓茲湘水。
率吾黔壯士還我貴山。陳開釗餘軍既敗，竄入湘久之。
與駐常黔軍合。此接有嶺斷雲連之勢十月，陳開釗、席正銘、田荆

椿等招納湘中流亡，及松桃江口諸苗，共二萬餘人回黔。
猛撲銅仁。時陳鍾岳爲北路總兵，復與劉德坤、何麟書等憑城固守。
開釗等據外高山，以大礮轟城，勢張甚。鍾岳等迭出城與戰，
月餘，獲開釗殺之。正銘亦潰散黔。自經此戰，大局始定。
二年，以唐繼堯爲滇都督，任命劉顯世督黔。
銅仁爲黔東門戶，陳鍾岳固守，裏創兩次血戰，卒定黔局。
乃未幾以勞病卒。黔民悲思，籲請大總統。

建專祠銅仁報賽至今

篇未得此鎮住通篇
文氣亦厚重有餘

上海第十二

滬岸海爲長江門戶。綰轂蘇浙陸車水舟。全國交通恃爲樞紐。

叙上海形勝何等嚴重以下寫取得上海又何等兄戲參觀對照文情斐然

鄂事起

黨人圖之尤亟。武昌軍政府特派湘人李燮和爲總司令。偕敢死士十餘人來滬。密謀起事。滬南製造局產軍火。南北利賴。故欲下滬。必先下製造局。局勇故多湘人。燮和綢繆連結。說降局勇。戢戈不戰。陳其美者。浙黨人。久居滬。與燮和共。唆巡警商團。滬軍營爲變。聞北巡警局長姚立德偵知之。立收隊兵。子彈九月丁丑。立德自外歸。有預防隊數十人守局門。求發彈。立德支吾。隊官

汪景龍厲聲喝責之。隊兵卽鳴槍示威。局員聞警星散。條樓上火起。巡警袖圍白布。光復旗豎門外矣。舉管帶陳漢欽爲首。宣布獨立。當是時。城內商團聞風亦變。商團及巡警既變。滬軍營亦變。管帶洪適聲懼禍。先期逃其美等。以爲義旗所指。無不歡迎。製造局可唾手下也。

反振一筆極抑揚之妙爲註字作勢

日既暮。其美觀各廠工匠散出。率十

餘人往攻製造局。優人王鐘聲夏月潤與焉。局前左右盡土崗。營勇棋布局門。僅通微徑。中架礮守之。形勢甚固。其美時局勇歸附。乘勢擁入。聲言往謁張總辦。接收局務。局員以其詞狂悖。反接其美手足。繫馬廐中。民軍